

## Bekkjarnámskrá 9. bekkjar veturinn 2019 - 2020

**Umsjónarkennarar:** Jón Hálfaldán Pétursson og Katrín Sif Kristbjörnsdóttir

### Námstilhögun og

**kennsluaðstæður:** Í níunda bekk eru 35 nemendur. Kennt er í stofum 211 og 212. Einn kennari kennir í hverri grein.

**Námsmat:** Það er símat í öllum námsgreinum.

Ástundun, vinnubrögð, verkefni, vinnubækur, kannanir og próf eru metin til einkunna eftir námsmatskvarðanum A, B+, B, C+, C, D. Nemendur og foreldrar geta fylgst með framvindu námsins á [www.mentor.is](http://www.mentor.is)

### Íslenska

#### Kennslustundir eru 6 á viku

**Kennarar:** Guðlaugur Viðar Valdimarsson og Katrín Sif Kristbjörnsdóttir

**Markmið:** Stefnt skal að því að nemendur nái góðu valdi á notkun móðurmálsins og öðlist skilning á gildi þess. Nemendur þekki orðflokkana, geti greint ýmis málfræðiatríði, þekki og geti unnið með bókmenntahugtök. Áhersla lögð á að auka lestraráhuga nemenda og þjálfar ritun.

**Námsþættir:** Málfræði, bókmenntir, ritun og stafsetning, tjáning, lestur og lesskilningur og orðaforði.

**Námsefni:** Bókin Neistar verður lögð til grundvallar í íslenskukennslunni.

Í bókmenntum: Strákurinn í röndóttu náttfötunum og Rómeó og Júlía.

Í málfræði: Málið í mark sagnorð og Málfinnur.

Í ritunarkennslu er lögð áhersla á fjölbreytt verkefni, uppsetningu og skipulag.

9. bekkur tekur þátt í þemaverkefnum skólans, lestrarlotum o.þ.h.

**Námsmat:** Símat. Verkefni, vinna og vinnubók metin til einkunnar.

**Stærðfræði**  
**Kennslustundir eru 6 á viku**

- Kennarar:** Jón Hálfán Pétursson, Katrín Sif Kristbjörnsdóttir og Berglind Árnadóttir (sérkennari)
- Markmið:** Að nemendur nái það góðum tókum á aðferðum og hugtökum stærðfræðinnar að það nýtist þeim í daglegu lífi og áframhaldandi námi.
- Námsefni:** Skali 1B, Skali 2A, nemendahefti og æfingahefti og Skali 2B, nemendahefti og æfingahefti. Einnig er notast við Almenn stærðfræði I og II —Stærðfræði 8-10+, þrautir og annað viðbótarefni.
- Heimavinna:** Ekki er gert ráð fyrir mikilli heimavinnu, eingöngu að ljúka við efni kennslustundarinnar. Heimavinnuáætlun er inni á Mentor.
- Námsmat:** Símat (kaflapróf, verkefni og vinnubók)

**Enska**  
**Kennslustundir eru 4 á viku**

- Kennari:** Bergljót Halldórsdóttir og Katrín Sif Kristbjörnsdóttir
- Markmið:** Að auka færni nemenda í að skilja mælt mál og ritað og tjá sig á því, bæði munnlega og skriflega. Áhersla er lögð á aukna þekkingu í málfræði og aukinn orðaforða og ritun. Að gefa nemendum innsýn í menningu og síði enskumælandi þjóða. Að nemandi sé meðvitaður um eigin ábyrgð á árangri og framförum í námi.
- Námsefni:** Spotlight 9 lesbók, vinnubók og hlustunarefni. IPad er notuð í tengslum við námsefnið. Ýmsar lestrabækur og ritun. Ýmis konar viðbótarefni s.s. myndbönd, verkefni og þemaverkefni. Rafræn orðabók á snara.is
- Námsmat:** Símat – vinnubrögð, próf, ritun, verkefnaskil, kannanir

**Danska**  
**Kennslustundir eru 4 á viku**

- Kennari:** Erna Sigrún Jónsdóttir og Kristín Ólafsdóttir

**Markmið:** Að nemendur geti lesið og skilið texta almenns eðlis á dönsku. Þeir geti tjáð sig munnlega og skriflega á einföldu máli og kunni skil á helstu atriðum danskrar málfræði.

**Námsefni:**

Dejlige Danmark: lesbók, vinnubók og hlustunarefni. Tak lesbók og vinnubók. Ýmis þemaverkefni sum tengd námsbókunum önnur ekki. Islex.is rafræn orðabók. Ýmsar danskar myndir og þættir. Sagnapróf, hringekjuverkefni.

**Námsmat:** Símat: vinnubrögð, verkefnaskil, sagnapróf, kannanir. Ekki lögð fyrir annar- eða lokapróf, öll vinna og verkefni sem unnin eru, eru lögð til grundvallar námsmats.

### Samfélagsfræði

**Kennslustundir eru þrjá stundir á viku**

**Kennari:** Guðlaugur Viðar Valdimarsson og Katrín Kristín Friðjónsdóttir

**Námstilhögun:** Vetrinum verður tvískipt. Fyrir áramót verður kennd landafræði en eftir áramót landafræði.

### Landafræði

**Námsefni:** *Um víða veröld. Heimsálfur.* og *Landakortabók.* Viðbótarefni frá kennara.

**Markmið:**

að nemendur geti

- greint margs konar gögn og túlkað margvíslegar heimildir,
- sýnt fram á skilning á eðli sjálfbærrar þróunar og þýðingu hennar fyrir umhverfi, samfélag og efnahagslíf,
- útskýrt hvernig gróður- og veðurfar móta ólík lífsskilyrði,
- ígrundað víxlverkun samfélags, stjórnmála, náttúru, trúar og lífsviðhorfa og samhengi nærsamfélags og hnattvæðingar ,
- nýtt sér margvíslega tækni í þekkingarleit og miðlun þeirrar þekkingar á ábyrgan og gagnrýninn hátt,
- komið þekkingu sinni og viðhorfum á framfæri með fjölbreyttum og markvissum hætti, einn sér og í samstarfi við aðra.

**Námspættir::** Heimsálfurnar, gróðurfar og nýting, mannfjöldi og mannréttindi. Landslag, náttúrufar, efnahagur og menning Asíu, Ameríku, Afríku, og Eyjaálfu..

**Námsmat:** Símat. Verkefn, vinna og vinnubók metin til einkunnar.

### Saga

**Námsefni:** Styrjaldir og kreppa (saga 20. aldar )

**Markmið:**

Að nemendur geti:

- sýnt fram á þekkingu og gagnrýna sýn á tímabilið, atburði, persónur, menningatengsl og þróunarferla,
- greint margs konar gögn og túlkað margvíslegar heimildir,
- nýtt sér margvíslega tækni í þekkingarleit og miðlun þeirrar þekkingar á ábyrgan og gagnrýninn hátt,
- komið þekkingu sinni og viðhorfum á framfæri með fjölbreyttum og markvissum hætti, einn sér og í samstarfi við aðra,
- rökrætt gildi jafnréttis og mannréttinda.

**Námsþættir:** Fyrri heimsstyrjöldin, byltingarhugmyndir og stéttabarátta, rússneska byltingin, heimskreppan, uppgangur nasismans og seinni heimsstyrjöldin.

**Námsmat:** Símat. Verkefni af ýmsu tagi metin til einkunnar.

### **Náttúrufræði** **Kennslustundir eru þrjár á viku.**

**Kennarar:** Jón Hálfván Pétursson og Katrín Sif Kristbjörnsdóttir

**Námstilhögun:** Efnafræði er kennd á haustönn og líffræði á vorönn.

### **Efnafræði**

**Markmið:**

Að nemendur geti

- beitt vísindalegum vinnubrögðum, s.s. tilraunum og athugunum á gagnrýninn hátt, við öflun upplýsinga innan náttúruvísinda.
- framkvæmt og útskýrt sérhannaðar eða eigin athuganir úti og inni.
- nýtt frumeindakennninguna og lotukerfið til að útskýra eiginleika efna, efnabreytingar og hamskipti.
- beitt algengustu hugtökum og heitum í náttúrugreinum unglingsstigsins.
- aflað sér upplýsinga um náttúruvísindi úr heimildum á íslensku og erlendum málum

**Námsefni:** Efnisheimurinn

**Námsmat:** Símat sem byggist á einstaklingsverkefnum, hópverkefnum og kaflaprófum

### **Líffræði**

**Markmið:**

Að nemendur

- kynnist líffærakerfum mannlíkamans.
- þekki orsakir helstu sjúkdóma og skaðsemi vímuefna.
- þekki líkama sinn, kynþroska og öruggt kynlíf.

**Námsefni:** Mannlíkaminn.

**Námsmat:** Símat sem byggist á einstaklingsverkefnum, hópverkefnum og kaflaprófum

**Lífsleikni**  
**Ein kennslustund á viku.**

**Kennarar:** Umsjónarkennarar

**Markmið:** Að búa nemendur vel undir lífið og að þeir átti sig á því að þær ákvarðanir sem þeir taka í dag geta haft áhrif á framtíð þeirra.

**Námstilhögun:** Farið verður í uppbyggingarstefnuna og nemendum gerð grein fyrir mikilvægi þess að bera ábyrgð á eigin lífi. Lífsleiknitímar byggja aðallega á bekkjarfundum og hópavinnu. Auk þess eru nemendur að taka þátt í Erasmus+ verkefni varðandi Mannréttindasáttmálann.

**Námsefni:** Mannréttindasáttmáli Sameinuðu þjóðanna og ýmis verkefni.

**Íþróttir**

**Kenndar eru 3 kennslustundir: íþróttir 2 stundir og sund 1 stund**

**Sund 1 stund og íþróttir 2 stundir**

**Kennarar:** Árni Heiðar Ívarsson, Pétur Már Sigurðsson og Jón Hálfván Pétursson

**Markmið:** Að efla líkamsþroska og heilsu nemenda og vekja hjá þeim áhuga á reglubundinni íþróttaiðkun og líkamsrækt.

**Námstilhögun og kennsluáðstæður:** Árganginum er kennt í 2 hópum í leikfimi, einu sinni í viku tvo tíma í senn. Í sundi eru 2 hópar einu sinni í viku.

**Námsmat:** Prófað er í lok skólaárs í samræmi við námsferil vetrarins, auk þess er mæting, framkoma og virkni metin til einkunnar.

**Valgreinar:**

Skólaárið 2019 – 2020 eru eftirtaldar valgreinar kenndar í 9. bekk Grunnskólans á Ísafirði. Allir nemendur munu stunda nám í svokölluðum kjarna en gefst kostur á að velja aðrar námsgreinar. Þetta fyrirkomulag er eftir forskrift Aðalnámskrár grunnskóla og eykur möguleika nemenda á því að ráða meiru um hvaða námsgreinar þeir leggja stund á.

Í einstökum námsgreinum í frjálsum vali er líklegt að blöndun verði á nemendum í 8. -10. bekk. Mikilvægt er að nemendur vandi val sitt og séu meðvitaðir um inntak þeirra námsgreina sem þeir velja. Mælt er með því að nemendur ræði við þá kennara sem kenna umræddar greinar og afli sér sem besta upplýsinga. Nemendur geta einnig leitað ráða hjá umsjónarkennara sínum og námsráðgjafa ef um einhver vafaatriði er að ræða.

**Val nemenda hefur að sjálfsögðu áhrif á skipulag komandi skólaárs og því verða breytingar á vali ekki mögulegar eftir að skóli hefst á komandi hausti.**

Það skal tekið fram að stundum er ekki hægt að verða við ýtrustu óskum nemenda varðandi valið ef t.d. ekki fæst kennari eða of fáir velja og því verður að skoða hvaða grein getur komið í staðinn.

**Námsgreinar nemenda í 9. bekk munu skiptast í tvennt: kjarnagreinar og frjálst val.**

**Kjarnagreinar** standa saman af íslensku, stærðfræði, ensku, dönsku, samfélagsfræði, náttúrufræði, lífsleikni, sundi og íþróttum.

**Frjálst val** eru þær greinar sem nemandi velur af valblaðinu og þarf hver nemandi að skila sjö stundum á viku í vali sem getur orðið þannig að þær eru fleiri öðru hvoru megin við áramót þar sem sumar valgreinar eru kenndar hálfan veturinn.

| ísl | stæ | ens | dan | nátt | sam | lífs | íþr | sund | samt | val | samt |
|-----|-----|-----|-----|------|-----|------|-----|------|------|-----|------|
| 6   | 6   | 4   | 4   | 3    | 3   | 1    | 2   | 1    | 30   | 7   | 37   |

Nemendur geta fengið fullt nám við tónlistarskóla og íþróttabjálfun metna sem tvær kennslustundir á viku allan veturinn. Aðeins er hægt að fá hvort metið einu sinni þó verið sé að læra á fleiri hljóðfæri eða æfa fleiri en eina íþrótt.

**Upplýsingar um námsgreinar í boði er hægt að finna á heimasíðu skólans**

[https://grisa.isafjordur.is/ymis\\_skjol/skra/502/](https://grisa.isafjordur.is/ymis_skjol/skra/502/)